



VICTORIA

INTERNATIONAL UNIVERSITY

P R A V I L N I K
O DISCIPLINSKOJ ODGOVORNOSTI STUDENATA

Mostar, 2023. godine

Na temelju čl. 54. Zakona o visokom obrazovanju Hercegovačko - neretvanskog kantona (Narodne novine Hercegovačko - neretvanskog kantona broj 4/12) i člana 36. Statuta, Senat Viktoria Internacionalnog Univerziteta na sjednici održanoj dana 21.09.2023. godine, *d o n i o j e*:

P R A V I L N I K O DISCIPLINSKOJ ODGOVORNOSTI STUDENATA

I- OPĆE ODREDBE

Član 1.

Ovim pravilnikom reguliše se disciplinska odgovornost studenata Viktoria Internacionalnog univerziteta (u daljem tekstu: Univerzitet), utvrđuju lakše i teže povrede obaveza studenata i propisuje disciplinski postupak koji sprovodi Disciplinska komisija.

Član 2.

Studenti Univerziteta su dužni:

- pridržavati se opštih akata Univerziteta;
- držati se pravila kulturnog ponašanja i pristojnosti prema nastavnicima, saradnicima i drugim radnicima Univerziteta, prema studentima, građanima i drugim osobama u prostorijama Univerziteta,
- čuvati ugled studenata i Univerziteta.

Član 3.

Disciplinska odgovornost studenta je samostalna odgovornost, te se odredbama o disciplinskoj odgovornosti ne isključuje odgovornost za krivično djelo ili prekršaj, koji je učinjen istom radnjom.

II- POVREDE STUDENTSKE DISCIPLINE

Član 4.

Lakšim povredama studentske discipline smatra se:

- nedolično ponašanje na Univerzitetu;
- ponašanje koje može da naruši ugled studenata uopšte ili pojedinih studenata Univerziteta, nastavnika, saradnika i drugih radnika

Univerziteta;

- dolazak studenata na nastavu, ispite i na Univerzitet u alkoholisanom ili neurednom stanju, ili stanju koje je neprikladno za ispit, i
- ometanje nastave i ispita;

Član 5.

Težim povredama studentske discipline smatra se:

- prepravka podataka u javnoj ispravi koju izdaje Univerzitet;
- krađa imovine Univerziteta, odnosno nanošenje materijalne štete na imovini Univerziteta;
- izazivanje nereda ili tuče, ili učešće u tuči u prostorijama Univerziteta ili ispred zgrade Univerziteta;
- izazivanje nacionalne, vjerske, rasne i druge netrpeljivosti;
- zloupotreba prostorija, materijalnih sredstava, opreme i drugih uređaja Univerziteta;
- nepristojno ili drugo neprimjereno ponašanje prema nastavnicima, saradnicima i drugim radnicima Univerziteta;
- podstrekavanje, davanje ili pomaganje studentu u upotrebi alkohola, odnosno narkotičkih sredstava ili upotreba tih sredstava u prostorijama Univerziteta ili ispred zgrade Univerziteta;
- korištenje nedozvoljenih sredstava na ispitu i polaganje ispita protivno utvrđenom načinu polaganja;
- polaganje ispita umjesto drugog,
- unošenje oružja i eksplozivnih naprava u prostorije Univerziteta.

III- DISCIPLINSKE MJERE

Član 6.

Za lakše povrede studentske discipline iz člana 4. ovog pravilnika, izriče se disciplinska mjera:

- opomena, ili
- ukor.

Član 7.

Za teže povrede studentske discipline iz člana 5. ovog pravilnika, izriče se disciplinska mjera:

- strogi ukor, ili
- isključenje sa Univerziteta najduže do jedne godine.

Član 8.

Prilikom izricanja odgovarajuće disciplinske mjere uzimaju se u obzir, naročito:

- motivi iz kojih je povreda obaveza/discipline učinjena,
- posljedice koje je izazvala povreda,
- način izvršenja povrede obaveza,
- ranije ponašanje studenta,
- ponašanje studenata poslije učinjene povrede obaveza/discipline.

IV- POSTUPAK PRED DISCIPLINSKOM KOMISIJOM

Član 9.

Disciplinski postupak vodi Disciplinska komisija, koja se sastoji od predsjednika i dva člana. Disciplinsku komisiju obrazuje Senat na period od četiri akademske godine.

Član 10.

Ukoliko, po prijemu zahtjeva za pokretanje disciplinskog postupka, Disciplinska komisija nađe da ne postoje formalno-pravni uslovi za vođenje disciplinskog postupka, odbacit će zahtjev rješenjem.

Član 11.

Disciplinski postupak se pokreće zahtjevom dekana fakulteta na kome je student upisan. Zahtjev za pokretanje disciplinskog postupka dostavlja se Disciplinskoj komisiji.

Član 12.

Odluka stupa na snagu osam dana nakon njenog usvajanja.

Predsjedavajući Senata Univerziteta

.....

Mostar, 2023. godine